

GOBIERNO DE NAVARRA

PRESIDENCIA, ADMINISTRACIONES
PÚBLICAS E INTERIOR

ECONOMIA Y HACIENDA

CULTURA, TURISMO Y RELACIONES
INSTITUCIONALES

EDUCACION

SALUD

POLÍTICA SOCIAL, IGUALDAD,
DEPORTE Y JUVENTUDDESARROLLO RURAL, INDUSTRIA,
EMPLEO Y MEDIO AMBIENTE

FOMENTO Y VIVIENDA

SEGURIDAD Y EMERGENCIAS

Bi "Nafarroa berme" eman dira proiektu turistikotarako; guztira, 247.828 euro

Muesen landa-hotela egingo da, eta Lizason (Ultzama) zaldiak hezteko eta hazteko zentroa handituko da.

Lunes, 01 de agosto de 2011

Nafarroako Gobernuak, gaurko saioan, bi "Nafarroa Berme" ematea adostu du; oro har, 247.828,86 euro emango ditu, batetik, landa-hotela eraikitzeke Mues udalerrian eta, bestetik, heziera klasikoko zaldiak hezteko eta kirol-zaldiak hazteko zentroa handitzeko Lizason (Ultzaman).

Zehazki, 138.000 euro emango dira, hamar urtera bitarteko amortizazio-epearekin, Muesen bederatzi logelako (zortzi bikoitz eta suite bat) landa-hotela eraikitzeke proiektuan izandako aurrekontu-igoera finantzatzeko; igoera 230.000 eurokoa izan da. 2009ko abenduan, 437.636 euroko bermea eman zitzaion proiektu horri, eta proiektuan 729.394 euroko inbertsioa aurreikusi zen.

Era berean, beste 109.828,86 euro emango zaizkio, hamar urtera bitarteko amortizazio-epearekin, Arse Planeamiento SL enpresari, Lizason (Ultzama) heziera klasikoko zaldiak hezteko eta kirol-zaldiak hazteko zentroa handitzeko. Lan horren inbertsioa 183.048,10 eurokoa da. Konpainia horri 354.000 euro eman zitzaizkion 2009ko abenduan ekimen horretarako, eta 729.394 euroko aurrekontua zuen. Beraz, bigarren Nafarroa Bermea jasoko du konpainiak.

Hogeita hiru Nafarroa Berme

Hauek dira legegintzaldi honetan emandako lehen bi Nafarroa berme eta 2008ko azaroan krisiaren aurkako neurria onartu zenetik emandako hogeita bigarrena eta hogeita hirugarrena. Nafarroako Gobernuak, guztira, 11,1 milioi euro ematea onartu du 29,5 milioi euroko inbertsioa osatzen duten proiektuentzat.

"Nafarroa Bermea" 2008ko azaroaren 6an onartu zuen Foru Gobernuak krisiaren aurkako neurri gisa, enplegua sortzeko inbertsioei sostengua emate aldera eta enpresa txiki eta ertainetarako kostu eta epe egokiak dituen finantzaketa bultzatzearren, gaur egun maileguak lortzeko zailtasunak daudela kontuan hartuta.



Zenbait zaldi.

Legean industriaren arloko inbertsioetarako, nekazaritzako elikagaiak eraldatu eta merkaturatzeko, eta enpresa txiki eta ertainetako azpiegitura turistikoak sortu eta modernizatzeko ezarritako laguntzak lor ditzaketen esku-hartzeetarako bermeak eskatu ahal izango dira.

Bermeak 60.000 eta 600.000 euro artekoak izango dira, eta ezingo da gainditu inbertsio-proiektu bakoitzerako aurreikusitako inbertsioaren %60. Horren arabera, laguntzak lortzeko, gutxienez, 100.000 euroko inbertsioa egin beharko da.

Nafarroako Gobernuak, Sociedad Navarra de Garantía Recíproca (Sonagar) elkartearen bidez, 30 milioi euro ematen ditu ekintza honetarako, eta bermeen epea, gehienez, 10 urtekoa da.